

BEPROSALIC OINTMENT

Betamethasone Dipropionate / Salicylic Acid (0.05% w/w / 3% w/w)

Apakah yang ada pada risalah ini

1. Apakah kegunaan BEPROSALIC OINTMENT
2. Bagaimana BEPROSALIC OINTMENT berfungsi
3. Sebelum menggunakan BEPROSALIC OINTMENT
4. Cara menggunakan BEPROSALIC OINTMENT
5. Semasa menggunakan BEPROSALIC OINTMENT
6. Kesan-kesan sampingan
7. Cara penyimpanan dan pelupusan BEPROSALIC OINTMENT
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang BEPROSALIC OINTMENT. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda menggunakan BEPROSALIC OINTMENT berbanding manfaat yang mereka jangka untuk anda.

Simpan risalah ini bersama ubat.

Anda mungkin perlu membacanya lagi.

Apakah kegunaan BEPROSALIC OINTMENT

BEPROSALIC OINTMENT digunakan bagi melegakan manifestasi inflamasi dan masalah kekeringan dan penebalan lapisan luar kulit yang responsif terhadap kortikosteroid yang merangkumi psoriasis, dermatitis atopik kronik, neurodermatitis dan *seborrhoeic dermatitis*.

Bagaimana BEPROSALIC OINTMENT berfungsi

BEPROSALIC OINTMENT mengandungi ubat yang disebut Betamethasone Dipropionate dan Salicylic Acid. Betamethasone Dipropionate ialah kortikosteroid berfluorin yang aktif secara topikal dan mempunyai tindakan antiinflamatori, anti-kegatalan dan pengecutan salur darah. Salicylic Acid mempunyai keupayaan untuk melembutkan lapisan kulit bersisik, tindakan antibakteria dan antikulat.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Selbelum menggunakan BEPROSALIC OINTMENT

-Bila tidak boleh menggunakan

Jangan menggunakan BEPROSALIC OINTMENT sekiranya:

- Anda alergi (hipersensitif) terhadap Betamethasone Dipropionate, kortikosteroid lain, Salicylic Acid atau salicylate lain, atau sebarang komponen lain dalam produk ini.

Kortikosteroid topikal tidak digalakkan dalam kebanyakan jangkitan virus kulit, batuk kering serta jerawat.

-Sebelum mula menggunakan

Maklumkan ahli farmasi atau doktor anda:

- Jika anda mempunyai jangkitan pada kulit anda dan nyatakan bahagian yang dijangkiti.
- Jika anda menggunakan produk kulit yang lain

Kehamilan dan penyusuan:

Tanya doktor atau ahli farmasi anda untuk mendapatkan nasihat sebelum penggunaan ubat ini sekiranya anda hamil atau menyusu. Ia harus digunakan hanya jika potensi manfaat melebihi potensi risiko kepada janin atau bayi yang menyusu.

-Jika mengambil ubat-ubat lain

Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli tanpa preskripsi doktor, ubat yang dipreskripsikan dan produk-produk herba).

Cara menggunakan BEPROSALIC OINTMENT

Selalu menggunakan BEPROSALIC OINTMENT seperti yang dinasihatkan oleh doktor anda. Anda harus periksa dengan doktor atau ahli farmasi jika anda tidak yakin.

-Berapa banyak harus digunakan

Cuci dan keringkan bahagian yang terjejas. Sapukan dan gosok dengan berhati-hati ke bahagian yang terjejas.

-Bila perlu digunakan

Perlu digunakan 2 kali sehari, pagi dan petang atau sebagaimana diarahkan oleh doktor dan ahli farmasi anda.

-Berapa lama perlu digunakan

Rujuk kepada doktor anda sekiranya gejala-gejala anda tidak bertambah baik.

-Jika terlupa menggunakan

Jika anda terlupa menggunakan ubat pada waktu yang sepatutnya, ambil dos yang terlepas sebaik sahaja anda mengingatinya. Jangan gandakan dos penggunaan untuk menggantikan dos yang terlepas.

-Jika mengambil berlebihan (terlebih dos)

Jika anda mengambil terlalu banyak ubat ini, rujuk kepada doktor atau ahli farmasi anda. Bawa sebarang baki ubat bersama anda.

Semasa menggunakan BEPROSALIC OINTMENT

-Perkara yang perlu dilakukan

Jika anda bersedia untuk memulakan pengambilan ubat baru yang lain, maklumkan ahli farmasi atau doktor anda yang anda sedang menggunakan BEPROSALIC OINTMENT.

-Perkara yang tidak boleh dilakukan

Jangan mengambil lebih daripada dos yang disyorkan melainkan dibenarkan oleh doktor anda.

Jangan sapu dalam atau sekeliling mata.

-Perkara yang perlu diberi perhatian

Hentikan penggunaan jika berlaku kerengsaan, sensitiviti, kekeringan atau tindak balas yang berlebihan.

Kortokosteroid yang disapu pada kulit boleh diserap dengan jumlah yang mencukupi untuk menghasilkan kesan sistemik seperti penindasan adrenal, manifestasi sindrom *Cushing*, tahap gula dalam darah tinggi dan kehadiran gula dalam urin.

Salicylic Acid dalam penyediaan yang digunakan untuk kulit juga boleh diserap dalam jumlah yang mencukupi untuk menghasilkan

salicylism seperti loya, muntah-muntah dan bunyi deringan dalam telinga.

Dengan itu, langkah berjaga-jaga yang sesuai perlu diambil semasa rawatan yang berpanjangan, apabila merawat kawasan permukaan badan yang luas, apabila menggunakan teknik balutan dan apabila merawat kanak-kanak (disebabkan nisbah jumlah luas permukaan kepada berat badan yang lebih besar).

Langkah berjaga-jaga yang sesuai perlu diambil apabila merawat dermatitis stasis (keradangan kulit) dan penyakit kulit yang lain dimana peredaran darah terjejas.

Kesan-sesan sampingan

Semua ubat boleh mendatangkan kesan sampingan. BEPROSALIC OINTMENT boleh mendatangkan kesan sampingan yang tidak diingini pada segelintir orang walaupun tidak semua orang mengalaminya.

Tindak balas sampingan setempat yang pernah dilaporkan adalah rasa pedih, rasa gatal-gatal, perengsaan, kekeringan, keradangan folikel rambut, pertumbuhan rambut yang tidak normal, penghasilan jerawat, menipiskan kulit, mencerahkan warna kulit, jangkitan sekunder, melembutkan dan melemahkan kulit, tanda regangan dan ruam panas. Persediaan Salicylic Acid boleh menyebabkan keradangan kulit.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835549, atau laman web npra.moh.gov.my (*Public → Reporting Side Effects to*

Medicines (ConSERF) or Vaccines (AEFI)

Cara penyimpanan dan pelupusan BEPROSALIC OINTMENT

-Penyimpanan

Simpan di bawah suhu 30°C. Tutup dengan rapat dan betul. Lindungi daripada cahaya terik. Jauhi daripada kanak-kanak.

-Pelupusan

Lupuskan ubat selepas tarikh luput. Sila dapatkan nasihat ahli farmasi tentang cara pelupusan sebarang ubat yang tidak digunakan lagi.

Maklumat lanjut

-Rupa dan warna

BEPROSALIC OINTMENT berwarna putih dan boleh didapati dalam 5g, 15g dan 100g tiub aluminium.

-Bahan-bahan kandungan

-Bahan-bahan aktif:
Betamethasone Dipropionate 0.064 % w/w (setara dengan 0.05% w/w betamethasone) dan Salicylic Acid 3% w/w

-Bahan-bahan tidak aktif:
White Soft Paraffin dan Liquid Paraffin.

-Nomber MAL: MAL19871164AZ

Pengilang dan Pemegang Pendaftaran Produk

HOE Pharmaceuticals Sdn. Bhd.
Lot 10, Jalan Sultan Mohd. 6,
Bandar Sultan Suleiman,
42000 Port Klang, Selangor,
Malaysia.

Tarikh kemaskini RiMUP

16/08/2018

Nombor Siri:

NPRA(R4/1)140818/00237